

Headline	PISANG KAKISUBUR DI IKLIM SEJUK		
MediaTitle	Harian Metro		
Date	14 Feb 2017	Color	Full Color
Section	Agro	Circulation	179,231
Page No	8	Readership	537,693
Language	Malay	ArticleSize	267 cm <sup>2</sup>
Journalist	N/A	AdValue	RM 10,478
Frequency	Daily	PR Value	RM 31,434



# PISANG KAKI SUBUR DI IKLIM SEJUK

## SEKILAS

**Buah** pisang kaki atau persimmon berasal dari China dan kini banyak ditanam di negara beriklim sejuk seperti Jepun, Amerika dan Eropah.

Malaysia dan Thailand juga menghasilkan pisang kaki secara komersial. Di negara ini, pisang kaki boleh didapati di Cameron Highlands.

Pisang kaki ditanam menggunakan biji dan juga boleh dibiak melalui cantuman atau anak benih akar yang tumbuh sendiri.

Buahnya jenis beri berbentuk bulat leper atau hampir empat segi leper dan mempunyai pelbagai saiz. Jenis yang besar berukuran garis pusat 10 sentimeter (sm) dan tebal 5 sm.

Buah yang belum masak berwarna hijau dan selepas masak berwarna kuning, jingga atau hampir merah. Kelopak kaliknya kekal pada buah walaupun buahnya masak.

Buah pisang kaki ada yang berbiji dan ada juga yang tidak mempunyai biji. Ada yang mempunyai hingga 10 biji di dalam setiap buah.

Pokok pisang kaki adalah sejenis pokok kecil hingga sederhana dengan ketinggian hingga 15 meter (m). Batang pokoknya pendek, keras, berwarna hitam bergaris-garis dan penuh dengan butir-butiran.

Batangnya juga bengkok-bengkok, mempunyai banyak cabang, ranting dan menggurukan daun.

Bunga jantan dan bunga betina pada pokok yang sama. Bunga jantan keluar pada tangkai yang pendek iaitu tiga hingga lima kuntum.

Pembuangan atau penjarangan bunga perlu dilakukan bagi memperoleh buah yang berkualiti.

Bahagian yang digunakan dalam perubatan tradisional adalah buah, daun dan tanin. - **Sumber: Institut Penyelidikan Perhutanan Malaysia (FRIM)**



**POKOK**  
pisang kaki.



**BUAH**  
pisang kaki.